

欽定大清會典事例

卷五百三十二

樂部

樂章

欽定大清會典事例卷五百三十一

樂部

樂章

中和韶樂一

中和韶樂○

圜丘

始平之章

迎

帝神

欽承純祐兮於昭有融。時維永清兮四海攸同。輸忱
元祀兮從律調風。穆將景福兮迺眷微躬。淵思高厚
兮期亮天工。聿章彝序兮夙夜宣通。雲輶延佇兮鸞
輅空濛。翠旗紛裊兮列缺豐隆。肅始和暢兮恭仰

蒼穹。百靈祗衛兮齋明辟公。

神來燕娛兮惟

帝時聰。協昭慈惠兮逖鑒臣衷。

景平之章

奠玉帛

靈旗爰止兮樂在縣。執事有恪兮奉玉筵。聿昭
誠敬兮駿奔前。嘉玉量幣兮相後先。來格洋洋
兮思儼然。臣忱翼翼兮告中虔。

咸平之章

進俎

吉蠲為饔兮肅豆邊。升有列俎兮敢弗虔。毛魚
繭栗兮薦膏鮮。致潔陶匏兮香水泉。願隨降鑒

兮駐雲輶。錫嘉福兮億萬斯年。

壽平之章

初獻

玉笋肅陳兮明光。桂漿初醞兮信芳。臣心迪惠
兮奉觴。醴齊載德兮馨香。靈慈徽眷兮喬皇。勤
仰止兮斯徜徉。

嘉平之章

亞獻

考鐘拂舞兮再進瑤觴。翼翼昭事兮次第肅將。
睟顏容與兮蒼几輝煌。穆穆居歆兮和氣洋洋。
生民望澤兮仰睨玉房。榮泉瑞露兮慶無疆。

永平之章

終獻

終獻兮玉斚清。肅柅鬯兮薦和羹。磬管鏘鏘兮
祀孔明。旨酒盈盈兮勿替思成。明命顧諟兮福
羣生。八龍蜿蜒兮苞羽和鳴。

熙平之章

饌徹

一陽復兮協氣伸。盥薦畢兮精白陳。旋廢徹兮
敢逡巡。禮將成兮樂欣欣。瞻九閭兮轉洪鈞。福
施下逮兮佑此人民。

清平之章

送

帝神

升中告成兮晡霽壇場。穆思迴盼兮雲駕洋洋。
臣求時惠兮感思馨香。願蒙博產兮多士思皇。

天施地育兮百穀蕃昌。殖我嘉師兮正直平康。

太平之章

燎望

隆儀告備兮誠既將。有虔秉火兮炳越芳。雷車
電邁兮九龍驤。紫氛四塞兮靈旗揚。蒸民蒙福
兮順五常。惟予小子兮敬戒永臧。

祈穀

祈平之章

迎

帝神

帝篤祐民兮求莫匪舒。小民何依兮飲食惟需。莫嘉於
穀兮萬事權輿。為民請命兮豈非在予。日用辛
兮百辟趨。暉將出兮東風徐。惟予小子兮敬盥

陳乎。皇皇龍駕兮穆將愉。

綏平之章

奠玉帛

念茲稼穡兮惟民天。農用八政兮食為先。雨暘時若兮玉燭全。粒我蒸民兮迄用康年。仰三無私兮昭事虔。奉璋承帛兮慄若臨淵。

萬平之章

進俎

鼎烹兮苾芬。嘉薦兮無文。升繭栗兮惟惇。羶鄉達兮干雲。昭民力兮普存。惟明德兮馨聞。

寶平之章

初獻

初獻兮元酒盈。致純潔兮儲精誠。瑟黃流兮罍

承酌其中兮外清明。儼對越兮維清。

帝心歆假兮綏我思成。

穰平之章

亞獻

犧尊啟兮告虔。清醑既馨兮陳前。禮再獻兮祠筵。光煜爚兮非煙。

神悅懌兮僾然。惠我嘉生兮大有年。

瑞平之章

終獻

終獻兮奉明粢。苾芬嘉旨兮清醴既釃。

神其衍兮錫祉。禮成於三兮陳詞。願灑餘瀝兮沐羣黎。臣拜手兮青墀。

渥平之章

饌徹

俎豆具陳兮庶品宜。肝饗昭鑒兮荷

帝慈。饌告備兮玉几。登歌洋溢兮廢徹不遲。肅微忱兮

告終事。

上帝居歆兮錫純禧。

滋平之章

送

帝神

祇奉

天威兮弗敢康。小心翼翼兮昭

穹蒼。雲垂九天兮露瀼瀼。翠旗羽節兮上翱翔。臣拜下

風兮肅傍徨。願沛汪澤兮民多蓋藏。

穀平之章

燎望

叩首兮天閭。混茫一氣兮浩無方。炳蕭束帛兮
薦馨香。精誠感格兮降福穰穰。四時順序兮百
穀以昌。臣同兆姓兮咸荷恩光。

常雩

霽平之章

迎

帝神

粒我蒸民兮

神降嘉生。雨暘時若兮百穀用成。龍見而雩兮先民有

程臣膺

天祚兮敢不祇承。念我農兮心靡甯。肅明禋兮殫精誠。

靈皇皇兮穆以清。金支五色兮罨靄蜺旌。

雲平之章

奠玉帛

玉帛載陳兮磬管鏘鏘。為民請命兮惕弗敢康。
令清和兮遂百昌。麥秀岐兮禾第稂。日照九兮
時雨滂。俾萬寶兮千斯倉。

需平之章

進俎

越十雨兮越五風。三光照明兮嘉氣蒙。

天所予兮眇躬。予小子兮懍降豐。紛總總兮賴
皇穹。惇牡鴈亨兮達臣衷。

霖平之章

初獻

酌彼兮罍。洗飮芬兮椒香。愧明德兮維馨。假黍稷兮誠將。願

大父兮念茲衆子。穆將愉兮綏以豐穰。

露平之章

亞獻

再酌兮醕清。仰在上兮明明。庶來格兮鑒誠。曷敢必兮屏營。合萬國兮形神精。承

神至尊兮思成。

霑平之章

終獻

三酌兮成純。備物致志兮敬陳。多士兮駿奔。靈承無數兮明禋。維蕃釐兮媪神。雨留甘兮良苗。

懷新。

靈平之章

徹饌

禮將成兮舞已終。徹弗遲兮畏。

神恫。願留福兮惠吾農。

神之貺兮協氣融。遂及私兮越我公。五者來備兮錫用。

豐。

靈平之章

送

帝神

祥風瑞靄兮彌靈壇。

上帝居歆兮風肅然。左蒼龍兮右白虎。般裔裔兮紉縵。

縵。仰九閭兮返御。介祉釐兮康年。

霈平之章

望燎

碧琴琴兮不可度思。九奏終兮燿火暫而。

神光四燭兮休氣夥頤。安匪舒兮抑抑威儀。

帝求民莫兮日鑒在茲。錫福繁祉兮庶徵曰時。

大雩

高宗純皇帝御製雲漢詩八章

瞻彼朱鳥。爰居實沈。協紀辨律。羽蟲徵音。萬物芸生。
有士有林。有事南郊。陟降維欽。瞻仰

昊天。生物為心。

一章

維國有本。匪民伊何。維民有天。匪食則那。螻螻鳴矣。

平秩南訛。我祀敢後。我樂維和。鼉鼓淵淵。童舞娑娑。

章二

自古在昔。春郊夏雩。日維龍見。田燭朝趨。盛禮既陳。

神留以愉。雷師闐闐。飛廉衙衙。曰時雨暘。利我新畬。

章三

於穆

穹宇。在郊之南。對越嚴恭。

上帝是臨。繭粟量幣。用將惓惓。惓惓我躬。肅肅我心。六

事自責。仰彼桑林。

章四

權輿粒食。實維后稷。百王承之。永奠邦極。惟予小子。臨民無德。敢懈祈年。潔衷翼翼。命彼秩宗。古禮是式。

五章

古禮是式。值茲吉辰。玉磬金鐘。太羹維醇。元衣八列。舞羽繽紛。既侑

上帝。亦右

從神。尚鑒我衷。錫我康年。

六章

惟

天可感。曰維誠恪。惟農可稔。曰維力作。恃天慢人。弗刈

弗穫。尚勤農哉。服田孔樂。咨爾保介。庠乃錢鏹。

七章

我禮既畢。我誠已將。風馬電車。旋駕九閭。山川出雲。為霖澤滂。雨公及私。興鋤利甿。億萬斯年。農夫之慶。

方澤

中平之章迎神

吉蠲兮玉宇開。薰風兮自南來。鳳馭紛兮後先。
嶽瀆藹兮徘徊。肅展禮兮報功。沛靈澤兮九垓。

廣平之章奠玉帛

式時吉土兮中壇。毖我郊兆兮孔安。辟公趨蹌
兮就列。考鐘伐鼓兮舞干。黃琮織綹兮既奠。靈
光下燭兮誠丹。

含平之章進俎